

Ostermann – Potpourri

Kutt erop! Kutt erop! Kutt eropp!
Bei Palm's do eß die Pief verstopp.
Et hätt die ärm Frau Palm, die ganze Stuff voll Qualm.
Kutt erop! Kutt erop! Kutt eropp!
Bei Palm's do eß die Pief verstopp.
Et hätt die ärm Frau Palm, die ganze Stuff voll Qualm.

Rötsch mer jet, Angenies, rötsch mer doch jet!
Du sühst doch ich han keen Plaatz em Bett
Ich lieje mem Rücken hier op d'r Kant'
Von morjen am schlofe ich an d'r Wand
Rötsch mer jet, Angenies, rötsch mer doch jet!
Du sühst doch ich han keen Plaatz em Bett
Ich schloofe statt obends hie op d'r Kant'
Von morjen ab an d'r Wand

Et Stina muß `ne Mann hann, et weht die höchste Zick.
Et Stina muß `ne Mann hann, söns wähdde mer't nit mie quick.
Et Stina muß `ne Mann hann, ov alt hä oder jung,
denn bliev et Stina setze, wör schad för dat Faz-zung.

Wie kütt die Mösch, die Mösch, die Mösch bei uns en de Köch
Un setz sich med-den op d'r Desch, die Mösch, die Mösch, die Mösch.
Wat well die en d'r Köch, en Mösch höt en d'r Bösch,
och wenn se doch bloß wig-ger flög, die Mösch, die Mösch, die Mösch.

Och wat wor et fröher schön doch en Colonia,
wenn d'r Franz mem Nieß nom ahle Kohberg ging,
wenn d'r Pitter Ärm in Ärm mem Appolonia,
stell vergnög om Heimweg ahn zo knuutsche fing!

Dem Schmitz sing Frau eß durchgebrannt, tralalalalalala,
wohin, dat eß noch unbekannt, tralalalalalala,
zick gestern ovend eß et fott, tralalalalalala,
d'r Schmitz dä lach sich halv kapott, tralalalalalala!

Jetz hät dat Schmizze Billa, en Poppelsdorf en Villa,
et hätt en eigen Huhs, et Bell eß fein e-ruhs,
Jetz hät dat Schmizze Billa, en Poppelsdorf en Villa,
et hätt en eigen Huhs, et Bell eß fein e-ruhs

I:: Drum sollt' ich im Leben ein Mädél mal frei'n,
dann muß es am Rhein nur geboren sein! **::I**

Da wo die sieben Berge am Rheinesstrande stehn,
kannst du die blonden Mädchen mit blauen Augen sehn
und an die schönen Stunden, denkst du dann tausendmal
I:: wo fröhlich sie marschierten durchs Nachtigallental **::I**.

Wenn ich su an ming Heimat denke un sieh d'r Dom su vör mir ston,
mööch ich direk ob Heim an schwenke, ich möch zu Foß no Kölle gon,
mööch ich direk ob Heim an schwenke, ich möch zu Foß no Kölle gon.